

**ÁKVÖRÐUN FRAMKVÆMDASTJÓRNARINNAR**

frá 14. nóvember 1994

**um vistfræðilegar viðmiðanir er veita á jarðvegsbæti umhverfismerki bandalagsins(\*)**

(94/923/EB)

**FRAMKVÆMDASTJÓRN EVRÓPUBANDALAGANNA HEFUR,**

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 880/92 frá 23. mars 1992 um kerfi um veitingu vistmerkis EB (1), einkum annarri undirgrein 1. mgr. 5. gr.,

og að teknu tilliti til eftirfarandi:

Í fyrstu undirgrein 1. mgr. 5. gr. reglugerðar (EBE) nr. 880/92 segir að skilyrði fyrir veitingu vistmerkisins skuli ákveðin fyrir hvern framleiðsluflokk um sig.

Í 2. mgr. 10. gr. reglugerðar (EBE) nr. 880/92 segir að meta skuli áhrif vöru á umhverfið með hliðsjón af tilteknum viðmiðunum fyrir framleiðsluflokka.

Í samræmi við 6. gr. reglugerðar (EBE) nr. 880/92 hefur framkvæmdastjórnin haft samráð við helstu hagsmunaaðila með samráðsfundum.

Ráðstafanirnar sem kveðið er á um í þessari ákvörðun eru í samræmi við álit nefndar sem var sett á laggirnar á grundvelli 7. gr. reglugerðar (EBE) nr. 880/92.

**SAMÞYKKT ÁKVÖRÐUN ÞESSA:****1. gr.**

Vöruflokkurinn „jarðvegsbætur“ er skilgreindur þannig:

Gjört í Brussel 14. nóvember 1994.

Fyrir hönd framkvæmdastjórnarinnar,

**Yannis PALEOKRASSAS**

framkvæmdastjóri.

„Efni seld áhugamönnum um garðyrkju sem vöru-merkjavara til jarðvegsblöndunar, einkum í þeim tilgangi að bæta eiginleika jarðvegs og/eða líffræðilegt ástand hans án þess að skaði hljótist af.“

**2. gr.**

Meta skal umhverfisáhrif vöruflokksins sem er skilgreindur í 1. gr. með hliðsjón af hinum sérstöku vistfræðilegu viðmiðunum sem koma fram í viðaukanum.

**3. gr.**

Skilgreiningin á vöruflokknum og vistfræðilegu viðmiðanirnar fyrir vöruflokkinn skulu gilda til þriggja ára frá þeim degi sem þessi ákvörðun kemur til framkvæmda.

**4. gr.**

Hvað stjórnsýslu varðar er kenninúmer vöruflokksins „003“.

**5. gr.**

Ákvörðun þessari er beint til aðildarríkjanna.

(\*) Þessi EB-gerð, sem birtist í Stjttíð. EB nr. L 364, 31. 12. 1994, bls. 21, var nefnd í ákvörðun sameiginlegu EES-nefndarinnar nr. 75/95 frá 15. desember um breytingu á XX. viðauka (Umhverfismál) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjttíð. EB nr. L 99, 11. 4. 1992, bls. 1.

# VIÐAUKI

## VIÐMIÐANIR FYRIR UMHVERFISMERKI Á JARÐVEGSBÆTI

### Vistfræðilegar viðmiðanir

Ef veita á jarðvegsbæti umhverfismerki verður hann að fullnægja öllum viðmiðunum sem greint er frá hér á eftir.

### Uppruni vörunnar

Aðeins kemur til greina að veita jarðvegsbæti umhverfismerki ef rekja má lífrænt efnainnihald hans til efnisþátta sem koma frá vinnslu og/eða endurnotkun úrgangsefna (eins og þau eru skilgreind í tilskipun 75/442/EBE um úrgang og í I. viðauka við hana).

Ath.: Með orðinu „lífrænn“ er átt við almennt efni úr lífverum eða efni sem þær mynda. Innihaldi varan eðju frá skolphreinsunarstöð skal eðjan uppfylla ákvæði I. viðauka B við tilskipun 86/278/EBE.

### Notagildi

#### Almenn merking

Eftirfarandi upplýsingar komi fram í merkingum vöruumbúða:

- nafn og heimilisfang þess aðila sem ber ábyrgð á markaðssetningu,
- lýsing vörugerðar, þar sem meðal annars komi fram orðið „jarðvegsbætur“,
- geymsluskilyrði sem mælt er með og dagsetning sem mælt er með að geymsluþol miðist við ásamt kenninúmeri framleiðslulotu,
- lýsing á tilætluðum notum vörunnar og notkunartakmörkunum. Tilgreina ber hvaða plöntuflokkum varan hentar (t.d. kalkfælnum eða kalksæknum),
- helstu uppistöðuefni (þau sem eru yfir 10% miðað við rúmmál) sem varan er framleidd úr, þar sem greinarmunur er gerður á húsasorpi í föstu formi, skolpeðju, garðyrkju- eða skógræktarúrgangi, úrgangi frá iðnaði og verslun þar sem viðkomandi grein er tilgreind (t.d. matvælaframleiðsla, pappírsvinnsla, o.s.frv.),
- notkunarleiddbeiningar og í hvaða mæli er ráðlegt að nota vöruna, tilgreint í kílógrömmum eða lítrum á hvern fermetra lands á ári,
- leiðbeiningar um hvernig á að meðhöndla og nota vöruna á öruggan hátt.

### Eiginleikar vörunnar

Afhenda ber allar vörur í föstu formi og þurr efni skal nema að minnsta kosti fjórðungi þyngdar.

Taka ber fram lágmarkstíðni notkunar þannig að minnst 500 g af lífrænu efni (þurrvigt) notist á hvern fermetra lands (mælt sem glótap).

Vörunar mega ekki koma í veg fyrir að plöntur komi upp eða vaxi síðar í skilgreindu plöntuvaxtarprófi.

*Jarðvegsrýrnun og vatnsmengun*

Engin vara má innihalda eftirfarandi frumefni í meiri styrkleika en gildin hér á eftir gefa til kynna, mæling miðast við þurrvig:

Frumefni	mg/kg
Zn	300
Cu	75
Ni	50
Cd	1,5
Pb	140
Hg	1
Cr	140
Mo (*)	2
Se (*)	1,5
As (*)	7
F (*)	200

(\*) Einungis er þörf á upplýsingum um tilvist þessara frumefna vegna vara sem innihalda efni frá iðnaðarvinnslu, húsasorpi í föstu formi og skolpeðju.

Vörur mega ekki innihalda efnisþætti sem hafa verið meðhöndlaðir með lindani, sýpermetríni eða prómekarbi.

*Næringarefnaálag*

Hámarksnæringarefnaálag vara skal ekki vera umfram eftirfarandi gildi þegar notkun þeirra er samkvæmt því sem mælt er með:

- 8 g/m<sup>2</sup> heildarköfnunarefnismagn,
- 6 g/m<sup>2</sup> P<sub>2</sub>O<sub>5</sub>,
- 12 g/m<sup>2</sup> K<sub>2</sub>O.

Ath.: Vörur eru undanþegnar þessu ákvæði ef minna en 10% (w/w) af næringarefnainnihaldi þeirra eru tiltæk fyrir vöxt plantna á fyrsta notkunarkeiði. Slíkar vörur, til dæmis ýmis efni sem eru notuð til að þekja jarðveg (mulches), eru skilgreindar sem efni með C : N-hlutfall hærra en 30 : 1.

*Heilsa og öryggi*

Hámarks magn frumsjúkdómsvalda í vörum má ekki fara yfir það sem fram kemur í eftirfarandi töflu:

Ferskt efni	
Salmonella	Fyrirfinnist ekki í 25 g
E. kólí	< 1 000 MPN (*)/g

(\*) MPN: Mean Probable Number (væntanlegur fjöldi).

*Annmarkar*

Engin vara má valda viðvarandi óþef eftir að henni hefur verið blandað í jarðveg.

Engin vara má innihalda glerbrot, víragnir eða aðrar agnir úr málmum eða hörðu plasti sem kunna að skaða heilsu manna.

Engin vara má bera með sér í jarðveg óviðunandi magn af illgresisfræi eða plöntuhluta illgresis sem getur spírað og fjölgað sér kynlaust.

*Prófunaraðferðir og greining*

Prófunaraðferðir og greining skulu að því er varðar þungmálma vera í samræmi við ákvæði tilskipunar 86/278/EBE. Ef ekki eru fyrir hendi alþjóðlega viðurkenndar prófunaraðferðir fyrir eðlis- og örverufræðilega greiningu í tengslum við jarðvegsbæti skulu aðildarríkin mæla fyrir um prófunaraðferð.